

增補
辨證錄

卷六

辨證錄卷之六

山陰陳士鐸敬之甫號遠公又號朱華子著述
會稽陶式五尚白甫號存齋又號
參訂

大熱症門

一陽明大起發狂腹滿不得卧面赤而熱妄見妄言人皆謂內熱之極也然而陽明屬土而不屬火何以火出於土謂是外邪之助乎既非暑氣之侵又非寒氣之變乃一旦大起以致發狂人多不解不知土中之火乃心中之火也心火起而陽明之火翕然而發陽明胃經乃多氣多血之府火不發則已一發而反不可制往往捲土而來火熾升騰其光燭天而旁且沿燒於四境有不盡不已之勢非惟焚盡於胃而且上燒於心心君不甯且有下堂而走者神既外越自然妄有所見既有妄見安能止其妄言此讖語之所以生也然則陽明之火乃內因而成非外邪所致也治法宜與傷寒之狂傷暑之狂俱不可同日而論矣然而陽明之火其由來雖有內外之殊而治陽明之火其方法實無彼此之異必須急滅其火以救燎原之勢而不可因循觀望長其火熾之騰以致延燒各臟腑也方用人參竹葉石膏湯治之人參五錢石膏一兩竹葉三百片知母三錢甘草一錢糯米一撮水煎服一劑狂定再劑腹滿不能卧之病除而妄言妄見之症亦去矣不必三劑此方退胃火之神劑也凡有胃熱之病用之皆宜然止可救一時之急而不可瀉長久之火論理內熱之火既起於心宜瀉心而反瀉胃者恐胃火太盛必致變生不測也蓋心火不止不過增胃火之炎而胃火不止實有犯心火之禍所以治心火者必先瀉胃也胃既瀉矣而後減去石膏知母加入黃連一錢玄參一兩再服二劑不特胃火全消而心火亦息也

此症用苦龍

地龍二十條搗爛苦參五錢水煎服之一劑即止狂不必再服

一熱病有完穀不化奔迫直瀉者人以為大腸之火也誰知是胃火太盛乎夫胃火上騰而不下降胡為直下

於大腸而作瀉耶蓋胃為腎之關腎虛則胃之關門不守胃乃挾水穀之氣而下行矣第腎虛為寒而胃何以反能熱耶不知腎虛者水虛也水虛則火無所制而命門龍雷之火下無可藏之地直冲於胃見胃火之盛亦其相附會不上騰而下泄矣胃火既盛又得龍雷之火則火勢更猛以龍雷之性甚急傳於大腸不及傳導故奔迫而直瀉也治法似宜先治腎矣然而胃火不瀉則腎火斷不肯回但遽瀉胃火則胃土因大而崩胃水隨土而洩又不能底止必須先健其土而分利其水則水清而土可健火可安而龍雷之火亦易於收藏也方用緩流湯茯苓一兩芡實山藥各三兩車前子五錢薏仁一兩甘草一錢人參一兩五味子一錢此方無一味非健土之藥又無一味非利水之品然利水之中不走其氣下氣不走而上火自升矣況健土之品無非補腎之味腎得補而真陰生龍雷之火自仍歸於腎臟腎火既安則胃火失黨而胃土又健則水穀之氣更易分消自然火衰而瀉止也

此症用滑苓湯亦甚效
滑石茯苓各一兩同研為末井水調服即止

一人有口乾舌燥面赤目紅易喜易笑者人以為心火熱極也誰知是心包膻中之火熾甚乎夫心包之火相火也相火者虛火也膻中為臣使之官喜樂出焉是膻中乃心之輔佐代心而行其賞罰者也喜怒者賞罰之所出也心內神明則賞罰正心內拂亂則賞罰移譬如下人專擅僭上之賞罰以行其一己之喜怒久則忘其為下以一己之喜怒為在下之賞罰矣治法宜瀉心包之火然而瀉心包必至有損於心心虛而心包之氣更虛矣必至心包之火更盛不如專補其心心氣足而心包之火自安其位何至上炎於口舌面目而成喜笑不節之病乎方用歸脾湯人參三錢茯苓神三錢炒棗仁五錢遠志一錢麥冬三錢山藥三錢當歸三錢廣木香末三分黃芪二錢甘草三分水煎調服一劑面目之紅赤減二劑口舌之乾燥除三劑易喜易笑之症亦平矣此方補心氣之虛仍是補心包之火何以火得之而反息也不知心火宜瀉以為補而心包之火宜補以為瀉心包之火旺由於心君之氣衰補其心而心包不敢奪心之權何敢喜笑自若儻我君王哉

此症用參朮二
仁湯亦效

人參花神妙藥仁各二錢白朮九錢
遠志半夏各一錢砂仁二粒水煎服

一鼻中出黑血不止名曰衄血乃心熱之極大刑肺金也夫肺金為心火所尅宜出紅血不宜出黑血矣得母疑為腎火之刑母乎夫腎為肺金之子安有子殺其母者然而黑血實腎之色也心火太盛移其熱於肺而肺受火刑必求救於腎腎惡心火之尅母乃出其全力以制心而心已移熱於肺矣腎即隨火而奔入於肺怒心火之肆惡併力以相戰肺無可藏之地腎即逐血而出於鼻紅血而變為黑色真有不共戴天之仇焦頭爛額白日俱昏者矣治法單瀉心中之火不必瀉腎中之水蓋火息而金安金安而腎水何至與心相鬥哉方用救衄丹黃連二錢丹皮三錢茯神二錢麥冬五錢玄參一兩生薑仁三錢生地三錢柏子仁一錢水煎服連用二劑黑血即止四劑不再衄此方制心火之有餘不損心氣之不足腎見君火之衰肺金之旺則報仇之恨已泄復國之謀已成自然返兵旋旅何至窮寇之再追哉或謂心君已為腎子所賊則心氣必傷自宜急瀉腎氣毋使追奔為是何反瀉心以助其虐耶不知腎水原非有餘不過因肺母之難故奮不顧身因心火之起釁而轉伐腎子非理也況方中雖瀉心火而正未嘗少損心氣名為瀉心而實補心也不過少解其炎氣以泄腎子之情而大即解矣且腎有補而無瀉何若瀉心火之為得哉

此症用生地各三錢
麥冬生地各二兩黃芩三錢水煎服

一人有熱極發斑身中如紅雲一片者人以為內熱之極而外發於皮膚矣孰知此熱鬱於內而不能外發之故乎此等之病寒熱之藥兩不宜施夫火熱宜用涼藥內火未有不從外泄者但火得寒則又閉微火可以寒解而盛大不可以寒折往往得寒涼之味反遏其外出之機閉塞而不得泄有成為發狂而不能治者若用熱藥投之則火以濟火其勢必加酷烈欲不變為亡陽而不可得矣治法必須和解為得第火盛者水必衰徒解其火而不益之以水未必火之遽散也宜用補水之中而行其散火之法則火無乾燥之虞而有發越之易也方用風水散斑湯玄參二兩當歸二兩荆芥三錢升麻一錢生地一兩水煎服一劑斑少消二劑斑又消三劑斑全消此方玄參補陰以解其浮遊之火當歸生地以補其心胃之血多用荆芥升麻風藥以

解散鬱熱則火得水而相制亦火得風而易揚全無瀉火之品而已獲瀉火之效實有深義耳

此症用化雲湯亦神
黃連三錢當歸一兩玄參二兩升麻二錢水煎服

一熱極發斑目睛突出兩手冰冷此心火內熱所謂亢則害也而不知又有肝火以助之耳夫熱病宜現熱象何反見寒冷之證乎蓋大極似水耳熱極於心則四肢之血齊來救心轉無血以養手足故手足反寒如冰之冷者外寒之極實由於內熱之極也至於目睛突出者肝開竅於目而目之大者又心之竅也心火既盛又得木中之火相助則火更添熾而炎上所以直奔其竅而出但目中之竅過小不足以瀉泄其火怒氣觸睛故突而出也治法宜瀉心火而更平肝木木氣既舒心火自散方用風水散斑湯加減而症自愈也玄參一兩當歸一兩黃連三錢荆芥三錢升麻三錢白芍一兩生地五錢水煎服此方加白芍黃連以黃連瀉心火而白芍平肝火也又得荆芥升麻引羣藥共入於腠理之間則上下四旁之餘熱盡消且不至遏抑其火有經絡未達之虞此方補多於攻散大而不耗損真氣庶幾有既濟之美也

此症用玄參升麻湯亦神效
玄參半斤丹皮三兩升麻三錢水煎一服一劑飲愈

一熱極不能睡熟日夜兩眼不開人以為心腎不交火盛之故誰知是水火兩衰之故乎夫心火最畏腎水之尅而又最愛腎水之生蓋火非水不養也腎水又最愛心火之生而又最惡心火之燒蓋水非火不乾也是心腎相愛則相交心腎相惡則相背求閉目而神遊於華膏之國自不可得矣治法補其心中之液以下降於腎補其腎中之精以上滋於心并調其肝氣以相引於心腎之間俾相惡者仍至相愛則相背者自相交矣方用引交湯熟地麥冬各一兩炒棗仁山茱萸沙參各五錢茯神三錢玄參五錢白芍二兩炒梔子三錢菖蒲破故紙各五分水煎服連服二劑即目閉而酣睡矣此方心腎雙補而平其肝氣以清木中之火蓋肝火瀉則心火自平腎水亦旺勢必心氣通於肝而腎氣亦通於肝也心腎既通於肝而又有菖蒲以引心破故紙以引腎介紹同心自能歡好如初重結寤寐之交矣

此症用水火兩滋湯亦效
熟地三兩肉桂二錢羌活一兩水煎服

一人有肝火內鬱結而不伸悶煩躁急吐痰黃塊者人以為火鬱宜遠也然違之而火愈熾此乃未嘗兼肝腎而同治也夫肝木有大火鬱而不宣者雖是外邪蒙之亦因內無水以潤之也木無水潤則木鬱更甚倘徒用風藥以解肝中之火不用潤劑以陰肝中之水則熬乾肝血而火益盛矣倘徒用潤劑以益其肝中之水不用風劑以舒其肝中之火則拂抑肝氣而鬱更深矣鬱深則煩悶於心火盛則躁急於腹欲其痰涎之化得乎治法舒其肝以解火復補其腎以濟水自然鬱結伸而諸症愈也方用肝腎兩舒湯熟地玄參各一兩茯苓三錢白芍一兩柴胡一錢當歸五錢甘草炒梔子各一錢丹皮三錢水煎服二劑漸輕四劑全愈此方歸芍藥梔所以舒肝者風以吹之也熟地玄參所以補腎者雨以溉之也茯苓甘草又調和於二者之中使風雨無太過不及之虞耳譬如夏令炎蒸鬱極而熱樹木枯槁忽得金風習習大雨滂沱則從前鬱悶煩燥之氣盡快如掃而枯槁者倏變為青葱爽氣迎人豈猶有煩悶躁急等症哉

此症用快膈湯亦效

白芍當歸熟地各一兩柴胡甘草各一錢生地冬各三錢枳殼半夏各三錢水煎服

一人頭面紅腫下身自臍以下又現青色口渴殊甚似欲發狂人以為下寒而上熱也誰知是下熱之極而假現風象以欺人乎若作上熱下寒治之立時發狂而死必至皮肉盡腐也此種之病乃誤聽方士之言服金石之藥以助命門之火強陽善助樂旦夕而金石之藥必經火煨其性燥烈加之鼓勇浪戰又自動其火戰久則樂極情濃必然大泄其精倍於尋常火極原已耗精復倍泄精以竭其水一而再再而三必有陰虛火動之憂無如世人迷而不悟以秘方為足恃以殺人之藥為靈丹日日吞咽而不知止則臟腑無非火氣雖所用飲食未嘗不多然而火極易消不及生精化水於是火無水制自然上騰頭面其頭面初猶微紅久則純紅而作腫然自臍以下不現紅而現青者以青乃風木之色也臍下之部屬腎腎火旺而腎水乾則肝木無所養於是肝氣不自安乃下求於腎而腎又作強大熾肝氣欲返於本宮而燥極不能自還遂走腎之部位而外現青色矣此等症候內經亦未嘗言及無怪世人之不識也夫肝氣之逆如此而火愈上升欲口之

不渴得乎口渴飲水止可救胃中之乾燥而不能救五臟之焦枯勢且飲水而口愈渴安得不發狂哉治法
必須大補其水而不可大瀉其火蓋瀉其火則火息而水竭亦必死之道也方用救焚解毒湯熟地四兩玄
參二兩麥冬三兩白芍三兩金銀花三兩甘菊花五錢牛膝一兩黃柏一錢水煎服一連數劑下身之青色
降再服數劑頭面之紅腫亦漸愈此方減半必再服一月始無癰疽之害蓋熱極發紅乃是至惡之兆况現
青色尤為惡之極者幸膈之上不青若一見青色則臟腑腸胃內爛瘡瘍癰毒外生安有性命哉前古聖聖
不論及者以上古之人恬澹冲和未嘗服金石之毒藥也後世人情放蕩覓春藥如飴糖而方士之輩但知
逢迎貴介之歡心匠意造方以博裙帶之樂夫人天年為可痛傷也我特傳此方以救之以火之有餘者水
之不足故用熟地麥冬以大益其腎水又恐熟地麥冬不足以息燎原之火又益玄參甘菊以平其胃中之
炎瀉火仍是滋陰之味則火息而正又無虧火既上行非引而下之則水不濟而火恐上騰加之牛膝之潤
下使火下降而不上升也腎水既久枯竭所補之水僅可供腎中之自用安得分餘膏而養肝木之子復佐
之白芍以滋肝則肝木既平不必取給於腎水自氣還本宮而不至走下而外泄然而火焚既久則火毒將
成雖現在之火為水所剋而從前之火毒安能遽消故又輔之金銀花以清其毒而更能益陰是清火之毒
而不消陰之氣也又慮陽火非至陰之味不能消化於無形乃少用黃柏以折之雖黃柏乃大寒之藥然入
之大補陰水之中反能解火之毒引補水之藥直入於至陰之中而瀉其虛陽之火耳此方除黃柏不可多
用外其餘諸藥必宜如此多用始能補水之不足瀉火之有餘否則火熾而不可救也夫救焚之道刻不可
緩非滂沱大雨不能止其遍野燎原之火况火既升騰胃中得水不啻如甘露之止渴大料煎飲正足以快
其所欲不必慮其多而難受也

此症用定狂湯亦神效
熟地三兩知母一兩制芥五錢水煎服一劑即愈

一、眼目紅腫口舌盡爛咽喉微痛兩脇脹滿人以為肝火之旺誰知是腎火之旺乎夫眼目屬肝兩脇亦肝之
位明是肝火之旺而謂是腎火者何居以咽喉口舌之痛爛而知之也第口舌屬心咽喉屬肺與腎絕不相

干何統以腎火名之不知腎火龍雷之火也雷火由地而冲於天腎火亦由下而升於上入於膈則膈脹入於喉則喉痛入於口舌則口舌爛入於眼目則眼目腫矣火無定位隨火之所至而病乃生今四處盡病乃腎火之大熾耳蓋各經之火止流連於一處斷不能口舌咽喉眼目兩脇一齊受病也似乎治法未可獨治一經矣然而各經不可分治而腎經實可專治治其腎火而各經之火盡散也方用六味地黃湯加味治之熟地一兩山藥五錢茯苓三錢丹皮五錢澤瀉三錢山茱萸四錢麥冬白芍各一兩水煎服一劑兩脇之脹滿除二劑眼目之紅腫愈三劑咽喉之痛解四劑口舌之爛痊也六味湯原是純補真水之藥水足而火自息又有白芍之舒肝以平木麥冬之養肺以益金金生水而水不必去生肝則水尤易足而火尤易平也蓋龍雷之火乃虛火也虛火得水而即伏何必瀉火以激其怒哉或曰用六味之方而不遵分兩進退加減者何也且夫藥投其病雖佐使之味可多用病忌其藥雖君主之品自當少減輕重少殊又何慮哉

此症用止沸湯亦佳
熟地三兩麥冬二兩地骨皮一兩水煎服

一寒熱時止時發一日四五次以為常熱來時躁不可當寒來時顫不能已人以為寒邪在陰陽之間也誰知是寒熱在心腎之內乎夫腎與心本相尅而相交者也倘相尅而不相交必至寒熱止發之無定蓋心喜寒而不喜熱腎喜熱而不喜寒寒而熱為腎之所喜必為心之所惡寒為心之所喜必為腎之所惡腎惡心寒恐寒氣犯腎遠避之而不敢交於心心惡腎熱恐熱氣犯心堅却之而不肯交於腎然而腎惡心寒而又惡其不下交於腎必欲交心而心不受反以熱而凌心矣心惡腎熱而不上交於心必思交腎而腎又不受反以寒而犯腎矣兩相犯而相凌於是因寒熱之盛衰分止發之時候矣夫心腎原無時不交也一日之間寒熱之止發無常因交而發因不交而即止又何足怪燥熱來時躁不可當寒來時顫不能已實有秘義也夫熱來之時乃腎氣之升騰也心雖惡熱而心中正寒宜不發燥而何以躁蓋寒則心氣大虛虛則惟恐腎氣之來攻乃懼而躁非熱而躁也寒來之時乃心氣之下降也腎雖惡寒而腎中正熱宜不發顫而何以顫蓋熱則腎水大乏乏則惟恐心氣之來奪乃吝而顫非寒而顫也然則欲心之不躁必須使其不寒欲腎之不

顫必須使其不熱方用解圍湯人參五錢熟地一兩山茱萸五錢當歸一兩茯神五錢生棗仁五錢柴胡一錢白芍一兩遠志二錢半夏二錢玄參三錢當歸一錢水煎服二劑寒熱減半躁顫亦減半再服二劑前症頓愈再服二劑不再發此方心肝腎三部均治之藥也欲心腎之交必須須借重肝木為介紹分往來之寒熱止彼此之躁顫方能奏功方中雖止腎熱而散心寒倘肝氣不通何能調劑所以加入柴胡白芍以大舒其肝中之鬱氣益祖孫不至間隔而為子為父者自然愉快矣甯尚至熱躁寒顫之非離哉

此症用玄刺湯亦效
玄參二兩刺芥三錢水煎服

一熱極止在心頭上一塊出汗不啻如雨四肢他處又復無汗人以為心熱之極也誰知是小腸之熱極乎夫小腸在脾胃之下何以火能犯心而出汗乎不知小腸與心為表裏小腸熱而心亦熱矣然而心中無液取給於腎水以養心倘汗是心中所出竟同大雨之淋漓則發汗亡陽宜立時而化為灰燼胡能心神守舍而不發狂哉明是小腸之熱水不下行而上出也第小腸之水便於下行何故不走陰器而反走心前之竅耶正以表裏關切心因小腸而熱小腸即升水以救心而心無竅可入遂走於心外之毛竅而出也然則治法不必治心仍治小腸利水以分清其大氣則水自歸源而汗亦不從心頭外出也方用返汗化水湯茯苓一兩猪苓三錢劉寄奴三錢水煎服一劑而汗止不必再劑也茯苓猪苓俱是利水之藥加入劉寄奴則能止汗又善利水其性又甚速同茯苓猪苓從心而直趨於膀胱由陰器以下泄因水去之急而火亦隨水而去急也正不必再泄其火以傷損夫臟腑耳

此症用苓連湯亦神效
茯苓二兩黃連一錢水煎服

一口舌紅腫不能言語胃中又覺飢渴之甚人以為胃火之上升也第胃火不可動一動則其勢炎上而不可止非發汗亡陽必成躁妄發狂矣安能僅紅腫於口舌不能言語之小症乎故此火乃心包之火而非胃火也夫舌乃心之苗亦心包之竅也若心包無火無非清氣上升則喉舌安開語言響亮迨心包火動而喉舌無權況心包之火乃相火也相火易於作祟譬如權臣多慾欲立威示威示權必先從傳遞喉舌之火始今相火

妄動而口舌紅腫勢所必至又譬如主人之友為其僕輕辱則友亦緘默以求容若不投以貨則不能廢其僕之所求此飢渴之所以來也治法清其心包之火而不必瀉其胃中之土恐瀉胃而土衰則心包之火轉來生胃其火愈旺也方用清大安胃湯麥冬一兩石斛三錢丹參三錢生地三錢炒棗仁五錢竹葉一百片水煎服一劑語言出再劑紅腫消三劑而胃中之飢渴亦愈矣此方全去消心包之火而又不瀉心中之氣心包大息而胃氣自安矣

此症用玄丹麥冬湯亦效
玄參丹麥冬各一兩水煎服

一熱症滿身皮竅如刺之鑽又復疼痛於骨節之內外以冷水拍之少止人以為火出於皮膚也誰知是大鬱於臟腑乃欲出而不得出之兆也蓋天性原欲炎上彼皮膚而旁出本非所宜其人內火既盛而陽氣又旺火欲外泄而皮膚堅固火本鬱而又拂其意遂鼓其勇往之氣而外攻其皮膚思奪門而出無如毛竅不可遽開火不得已仍返於臟腑之內而作痛以涼水拍之而少止者火喜其水之潤膚而反相忘其水之能剋火矣非因水之外擊足以散火而能止痛也然則治法亦先瀉其脾胃之火而餘火不瀉而自瀉也方用攻火湯大黃三錢石膏五錢炒梔子三錢當歸一兩厚朴一錢甘草一錢柴胡一錢白芍三錢水煎服一劑火瀉二劑痛除此方直瀉脾胃之火又不損脾胃之氣兼舒其肝木之鬱則火尤易消乃扼要爭奇治火實有秘奧何必臆臆而清之臟腑而發之哉

此症用宣揚

藥胡一錢制芥二錢當歸一兩
麥冬一兩天花粉三錢水煎服

人有心中大熱如焚自覺火起即入小腸之經輒欲小便急去遺溺大便隨時而出人以為心火下行誰知是心與心包二火之作祟乎夫心包之火代君司化君火盛而相火甯君火衰而相火動兼亦有君火盛而相火亦動者第君相二火不可齊動齊動而君相不兩立相火見君火之旺不敢上奪君權乃讓君而下行而君既動無可發洩心與小腸為表裏自必移其熱於小腸相火隨輔君火下行既入小腸而更引入大腸矣

此二便所以同遺也治法安二火之動而熱熾自消方用四物湯加味治之熟地一兩川芎二錢當歸一兩白芍五錢黃連二錢玄參一兩黃柏一錢車前子二錢水煎服二劑少安四劑全愈四物湯補血之神劑也大動由於血燥補其血而臟腑無乾涸之虞涼其血而火熾無浮游之害況黃連入心以清君火黃柏入心色以清相火加車前利水引二火直走膀胱從水化而盡洩之又何亂經之慮哉

此症用二地

生地熟地當歸各一兩人參三錢黃連一錢肉桂五分水煎服

人有大怒之後週身百節俱疼胸腹且脹兩目緊閉逆冷手指甲青黑色人以為陰症傷寒也誰知是大熱之病乎夫陰症似陽陽症似陰最宜分辨此病乃陽症似陰也手指甲現青黑色陰症之外象也逆冷非寒極乎不知內熱之極反見外寒乃似寒而非寒也大怒不解必傷其肝肝氣甚急肝葉極張一怒而肝之氣更急而肝之葉更張血沸而火起有不可止拂之勢肝主筋火起而筋乃攣束作痛火欲外焚而痰又內結痰火相搏濕氣無可散之路乃走其濕於手足之四末指甲者筋之餘也故現青黑之色手足逆冷而胸腹正大熱也治法平其肝氣散其內熱而外寒之象自散矣方用平肝舒筋湯柴胡一錢白芍一兩牛膝生地丹皮炒梔子各三錢當歸五錢陳皮甘草各一錢神麴五分秦艽烏藥各一錢防風三分水煎服一劑目開二劑痛止三劑服除四劑諸症盡愈此方所用之藥俱入肝經以解其怒氣也怒氣解而火自平矣火平而筋舒必至之理也人見此等之症往往信之不深不敢輕用此等之藥遂至殺人以陰陽之難辨也然我更有辨之之法與水探之飲水而不吐者乃陽症飲水而即吐者乃陰症倘飲水不吐即以此方投之何至有悞哉

此症用息怒

白芍三兩柴胡二錢丹皮五錢炒梔子三錢天花粉三錢水煎服

暑症門

一行役負販馳驅於烈日之下感觸暑氣一時猝倒人以為中暑也誰知是中暈乎夫暈者熱之謂也暑亦熱也何以分之蓋暑之熱由外而入暈之熱由內而出行役負販者馳驅勞苦內熱欲出而外暑遏抑故一時猝倒是暑在外而熱閉之也倘止治暑而不宣揚內熱之氣則氣閉於內而熱反不散矣治法宜散其內熱而佐之以消暑之味方用救暈丹青蒿五錢茯苓三錢白朮三錢香薷一錢知母一錢乾薑一錢甘草五分水煎服一劑氣通二劑熱散不必三劑此方用青蒿平胃中之火又解暑熱之氣故以之為君香薷解暑乾葛散熱故以之為佐又慮內熱之極但散而不寒則大恐炎上故加知母以涼之用白朮茯苓利腰膈而通膀胱使大熱之氣俱從下而趨於小腸以盡出也大既下行自然不逆而上冲而外暑內熱各消化焉有矣

此症用解暑散亦效

香薷茯苓各三錢甘草黃連各一錢白朮一兩白扁豆一錢白豆蔻一粒水煎服一劑即愈

一膏粱子弟多食瓜果以寒其胃忽感暑氣一時猝倒是中暑也蓋膏粱之人天稟原弱又加多慾未有不內寒者也復加之瓜果以增其寒涼內寒之極外熱反易於深入陰虛之人暑氣即乘其虛而入之治法不可祛暑為先必須補氣為主熱既因陰虛以至陽邪之中似宜補陰為主不知陽邪之入脾依陰氣也補陰則陰氣雖旺轉為陽邪之所喜陽得陰而相合正恐陰弱不能相配若一旦助其陰氣無論陰難却陽而陽邪且久居之而生變矣惟補其陽氣則陽健旺蓋之散暑之味則邪陽不敢與正陽相敵必不戰而自走也方用人參五錢茯苓神五錢白朮五錢香薷二錢白扁豆二錢陳皮五分甘草一錢水煎服一劑氣回二劑暑盡散此方名為散暑回陽湯方中參苓朮豆俱是健脾補氣之藥以回其陽用香薷一味以散其暑何多少輕重之懸殊乎不知陰虛者脾陰之虛也脾雖屬陰非補陽之藥不能效況陽邪甚盛非多用何以相敵乎倘少少用之恐有敗衄難遏之虞即或取勝暑退而元氣未能驟復與其暑去而後補陽何若於邪旺之日而多用之正既無虧而邪又去速之為益哉

此症用加味四君湯亦效

人參白朮各五錢甘草香薷各一錢
茯苓三錢炮薑三分水煎服二劑愈

一中暑氣不能升降霍亂吐瀉角弓反張寒熱交作心胸煩悶人以為暑氣之內熱也誰知是陰陽之拂亂乎人身陰陽之氣和則邪不能相干苟陰陽不能相交而邪即乘其虛而入之矣且邪之入人臟腑也助強而不助弱見陰之強而即助陰陰見邪之助陽也又妒陽之旺而相戰陽又嫌邪之黨陽也欲嫁其邪於陰而陰又不受於是陰陽反亂氣不相通上不能升下不能降霍亂吐瀉拂於中角弓反張困於外陰不交於陽而作寒陽不交於陰而作熱心胸之內竟成戰場之地安得而不煩悶哉然則治法和其陰陽之氣而少佐之以祛暑之劑緩以調之不必驟以折之也方用和合陰陽湯人參一錢白朮二錢茯苓五錢香薷一錢蘇葉一錢蒼香一錢厚朴五分陳皮三分枳殼三分砂仁一粒天花粉一錢水煎探冷徐徐服之一劑陰陽和二劑各症愈不必二劑此方分陰陽之清濁通上下之浮沉調和於拂逆之時實有奇功以其助正而不增火祛邪而不傷氣化有事為無事也

此症用加減六

居湯亦效

人參茯苓白朮各三錢白朮一兩香薷一錢砂仁一錢陳皮五分半夏一錢水煎服一劑即平

一中暑熱之氣腹中疼痛欲吐不能欲瀉不得此名為乾霍亂也夫邪入胃中得吐則邪越於上邪入腹中得瀉則邪越於下矣邪越於上則邪不入於中邪越於下則邪不留於內今不吐不瀉則邪不上不下堅居於中焦譬如賊人反叛雖四境安甯而一時生變喋血於城門橫屍於內地斯時非奮不顧身之將號召忠勇冒矢石而奪門靖難焉能安反側於頃刻定禍患於須臾哉治法急用人參一兩瓜蒂七箇水煎一大碗飲之即吐而愈矣此方名為人參瓜蒂散此等之病脉必沉伏不吐則死古人亦知用瓜蒂吐之但不敢加入人參耳益此症原因胃氣之虛以致暑邪之入今如大吐則胃必更傷非用人參則不能於吐中而安其胃氣也且胃氣素虛而暑邪壅遏雖用瓜蒂以吐之而氣怯不能上送往往有欲吐而不肯吐者即或動吐而吐亦不多則邪何能遽出乎惟用人參至一兩之多則陽氣大旺力能祛邪而上湧況得瓜蒂以助之安得

而不大吐哉邪因吐而遽散而正氣又復無傷譬如內亂一定而民安物阜仍是救甯之日何至動四郊之多壘哉

此症用參蘆

湯亦佳

人參蘆二兩煎滾湯一碗和之井水一碗少入鹽和勻飲之

以爲引其嘔吐吐出即安然不吐而能受亦愈也

一中暑熱極發狂登高而呼棄衣而走見水而投人以為暑毒之侵誰知胃火之相助乎夫暑熱之入人臟腑也多犯心而不犯胃蓋暑與心俱屬火也胃則心之子也胃見暑邪之犯心即發其主中之火以相衛胃乃多氣多血之府火不發則已發則其酷烈之威每不可當暑邪畏胃火之強蓋遁入於心而心又喜寒不喜熱畏暑邪之直入不敢自安胃火怒暑邪之直入於心中而不出乃縱其火以焚燒於心之外心又安禁二火之相逼乎勢必下堂而走心君一出而神無所依於是隨火熾而飛越登高而呼者大勝於上以呼救援也棄衣而走者憎衣之添熱也見水而投者喜水之尅火也此時心中無津液之養皮膚之外必多汗出亡陽是陰陽兩竭之病至危至急之候苟不大瀉其火則燎原之焰何以撲滅乎方用三聖湯人參三兩石膏三兩玄參三兩水煎數碗灌之一劑狂定二劑神安不可用三劑也另用緩圖湯玄參二兩人參一兩麥冬一兩青蒿一兩水煎服二劑而暑熱兩解矣三聖湯用石膏至三兩用人參玄參各至三兩未免少有霸氣然火熱之極非杯水可息苟不重用則燥乾腎水立成烏爐方中石膏雖多而人參之分兩與之相同實足以驅駕其白虎之威故但能瀉胃中之火而斷不至傷胃中之氣玄參又能滋潤生水水生而火尤易滅也至於緩圖湯不用石膏者以胃中之火既已大瀉所存者不過餘烟斷燭時起時滅何必再用陰風大雨以洗濯之故又改用麥冬青蒿既益其陰又息其火使細雨綢繆之為得也或問因暑發狂似宜消暑乃三聖湯但瀉火而不顧暑何以能奏功耶不知暑亦火也瀉火即瀉暑矣使瀉火之中加入香薷藿香清暑之藥則石膏欲下降而香薷藿香又欲外散轉足以掣石膏之手反不能直瀉其火矣

此症用三清湯救之亦神效

玄參四兩石膏一兩青蒿一兩水煎服一劑即安

暑症

一中暑熱症自必多汗今有大汗如雨一出而不能止者人以為發汗亡陽必死之症也誰知是發汗亡陰之死症乎夫暑熱傷心汗自外泄然而心中無汗也何以有汗此汗乃生於腎而非生於心也蓋心中之液腎生之也豈心之汗非腎之所出乎雖汗出亡陽乃陽旺而非陰虛但陰不能制陽而陽始旺亦陰不能攝陽而陽始亡顧陰陽原兩相根也陰不能攝陽而陽能總陰則陽尚可回於陰之中而無如其陽一出而不返也陰根於陽見陽之出而不留亦且隨陽俱出盡其腎中之精盡化為汗而大泄試思心中之液幾何竟能發如雨之汗乎明是腎之汗而非心之汗也汗既是腎而非心則亡亦是陰而非陽矣然則聽其亡陰而死乎尚有救死之法在方用救亡生陰丹人參二兩熟地四兩山茱萸二兩北五味五錢茯神一兩白芍一兩水煎服此方熟地山茱萸五味子均是填精補水之味茯神安其心白芍收其魂人參回其陽此人之所知也陰已外亡非填其精髓何以灌注涸竭之陰陽已外亡非補其闕元何以招其散失之陽山茱萸五味補陰之中仍是收斂之劑陰得補而水生則腎中有本汗得補而液轉則心內無傷又得茯神以安之白芍以收之則陽回陰返自有神捷之機也

此症用人參膏

人參二兩生地麥冬各一兩青蒿五錢北五味子一錢水煎服汗止即生否則無效

一中暑熱極妄見妄言宛如見鬼然人又安靜不生煩躁口不甚渴此是寒極相戰寒引神出有似於狂而非熱極發狂也夫中暑明是熱症何以熱能變寒而有似狂之症也蓋其人陰氣素虛陽氣又復不旺暑熱之邪乘其陰陽兩衰出肺以入心而心氣不足神即時越出以適其腎而腎中陰寒之氣上升則暑自出於心之外流連於肺經之內矣暑邪既已退出於心外而心君尚恐暑邪之來侵乃依其肝木之母以安神心神入於肝則肝魂不甯乃遂出於軀殼之外因而妄見鬼神而妄言詭異也魂既外遊而神居魂室反得享其甯靜之福况肝木原無火旺而腎中陽寒之氣用逼心君正藉以杜暑邪之侵且恃之無恐何生煩躁乎惟是肺氣獨受暑邪火刑金而作渴然腎見肺母之被刑乃陰寒之氣直冲而上以救肺故口雖渴而不甚也

然則治法奈何散肺中之暑邪補脾胃之土氣土氣一旺而肺氣亦旺矣肺旺可以散邪又得散邪之藥自然暑氣難留暑散而魂歸神返必至之勢也方用護金湯麥冬一兩人參三錢百合五錢茯苓三錢紫苑一錢香薷一錢甘草一錢水煎服二劑即愈此方但補肺脾胃之氣不去救心以益寒不去助腎以瀉火不去補肝以逐神而魂自歸肝神自返心者以邪有所制何必逐邪之太甚正未大虛何必補正之太多不可因邪居於上而下治正輕於下而重治也

此症用人參麥冬湯亦妙
人參二兩麥冬三兩水煎服

一中暑熱吐血傾盆純是紫黑之色氣喘作脹不能卧倒口渴飲水又復不快人以為暑熱之極而動血也誰知是腎熱之極而嘔血乎夫明是中暑以動吐血反屬之腎熱者蓋暑火以引動腎火也夫腎中之火龍雷之火也龍雷原伏於地夏月則地下甚寒龍雷不能下藏而多上泄其怒氣所激而成霹靂之猛火光劃天大雨如注往往然也人身亦有龍雷之火下伏於腎其氣每與天之龍雷相應暑氣者亦天之龍雷火也暑熱之極而龍雷乃從地出非同氣相引之明驗乎人身龍雷之火不動則暑氣不能相引苟腎水原虧腎火先躍躍欲動一遇天之龍火同氣相感安得不勃然振興哉既已勃然振興而兩火相激其勢更烈乃直冲而上挾胃中所有之血而大吐矣胃血宜紅而色變紫黑者正顯其龍雷之氣也凡龍雷之所劈之處樹木必變紫黑之色所過臟腑何獨不然其所過之胃氣必然大傷氣傷則逆氣逆則喘胃氣既傷何能遽生新血以養胃乎此腹脇之所以作脹也胃為腎之關門關門不開夜無開闔之權安能卧哉血吐則液乾液乾則口渴內水不足必索外水以救焚乃飲之水而不快以龍雷之火乃陰火而非陽火也治法宜大補其腎中之水以制龍雷之火不可大瀉其龍雷之火以傷其胃中之氣也方用沛霖膏玄參二兩人參一兩生地二兩麥冬二兩牛膝五錢荊芥炒黑三錢水煎服一劑血止二劑喘脹消三劑口亦不渴四劑全愈愈後仍服六味地黃丸可也此方大補腎水水足而龍雷之火自歸於腎之宅火既安於腎宅血自止於胃關何必用黃柏知母以瀉火用香薷霍香以散暑哉况瀉火而火愈熾必至傷損夫胃土散暑而暑難退必至消耗

夫肺金勢必血不可止火不可滅而死矣

此症用丹葛湯亦神
丹皮三兩荆芥三錢青蒿三兩水煎服

一中暑熱之氣兩足冰冷上身火熱煩躁不安飲水則吐人以為下寒上熱之症乃暑氣之阻隔陰陽也誰知是暑散而腎火不能下歸之故乎人身龍雷之火因暑氣相感乃奔騰而上世醫不知治法徒瀉其暑熱之氣不知引大歸源於是暑熱已散龍雷之火下不可歸乃留於上焦而作熱矣火既盡升於上焦則下焦無火安得不兩足如冰哉火在上而寒在下兩相攻擊中焦之地排難解紛兩不相合煩躁不安有自來也上熱重肺口必渴也飲水止可救上焦之熱及至中焦已非所宜況下焦純寒冷水正其所惡欲不吐得乎治法不可治暑而并不可瀉火不特不可瀉火必須補火益龍雷之火虛火也實火可瀉虛火宜補然而補火之中仍須補水以濟之補水者補腎中之真水也真火非真水不歸真火得真水以相合則下藏腎中不至有再升之患也方用八味地黃湯熟地一兩山茱萸五錢山藥五錢丹皮茯苓澤瀉各三錢肉桂一錢附子一分水煎探冷飲之一劑兩足溫矣再劑上身之火熱盡散中焦之煩躁亦安且不思飲水矣六味地黃湯補水之神藥桂附引火之神丹水火既濟何至陰陽之反背乎

此症用還腎湯亦效
熟地三兩甘草一錢肉桂五分牛膝五錢水煎服

人有夏日自汗兩足逆冷至膝下腹脹滿不省人事人以為陽微之厥也誰知是傷暑而濕氣不解乎夫濕從下受濕感於人身未有不先從下而上故所發之病亦必先見於下濕病得汗則濕邪可從汗而解矣何自汗而濕仍不解耶蓋濕病而又感暑氣自汗止可解暑而不能解濕以暑熱浮於上身而濕邪中於下身汗解於陽分而不解於陰分耳治法利小便以解濕逐熱邪以解暑則上下之氣通而濕與暑盡散矣方用解利湯石膏二錢知母一錢甘草五分半夏一錢白朮三錢豬苓一錢茯苓三錢澤瀉一錢肉桂一分水煎服連服十劑全愈此方乃五苓散白虎湯之合方也濕因暑病不祛暑則濕不易消故用白虎湯於五苓散中解暑利濕而兼用之也